

*Pressiteedüs 11. märts 2018*

## **Võrol valitas kõgõ vingõmb võrokeelinõ kavõr**

**Imäkeelepääväl, 14. märdsil 2018 valitas Võro liinan maailma kõgõ vingõmb võrokeeline kavõr ja esitäjä. Uma hindõ and avvuväärt hindamiskogo ja helü saa anda ka publik.**

Imäkeelepääväl valitas Võrol maailma kõgõ parõmb võrokeelinõ kavõr. Mõttõ pääle sääne valiminõ tetä tull kavvaaignõ Uma Pido kõrraldaja Laanõ Triinu. „Tähistä' imäkeelepäivä umakeelitse kavõrikontsõrdiga tundusi hää mõtõ. Võrokeelitside originaallugudõ maailma kõrval om alati olnu põnnõv võrokeelitside kavõride ilm – tahassi, et tuu olõssi rohkõmb nättäv.“

Konkursilõ tull kokko pea puulsada luku, minkast lõppkontsõrdil kandas ette 25. Kuulda saa tosinat artisti/ansamblit, kink hulgan om tunnõt Võromaaga köüdetüid muusikit – Aapo Ilves, Mari Kalkun, Merca, Pulga Jaan, Laheda Muti, Eesti Mandoliinide Orkester, Helmekaala, Metsavenna bänd, Nedsaja Küla Bänd, Meelis Maran jt. Veidemb tähtsä ei olõ ka hindamiskogo, kon omma Anu Taul, Jaan Elgula, Sten Teppan, Toomas Lunge ja Triinu Laan. Uma hinnangu and kogo õkva päält ekä esitet laulu.

“Mi kandi laululuujilõ om iks miildünü võtta muukeelitsit laululugusiid ja näid uman keelen ette kanda. Kõgõ tunnõtumba kavõrdaja omma hinnäst ka konkursilõ üles andnu, miä om ka mu sisse istutanu uutuso – kink looming kõgõ parõmbas hinnatas?” om kõrraldaja Laube Kadri põnövil. Kavõri omma tihti ka säändse loo, mink peris autor om nii esitajidõ ku kullõjidõ puult ärki unõhtõt. Seo kõrd võistlusõl laulu “Vana sann” ei laulda, kuigi konkursi statuudi perrä, kon om lubatu ette kanda ka joba tunnõt kavõroid, mahtunu seogi lugu kontsõrdikavva.

Päält konkursil ettekantava muusika lõbustasõ vaheaigul publikut Laheda Muti, kiä kõnõlõsõ vahtsõmbast pääväpoliitikast ja tandsi saa Nedsajā Küla Bändi muusika perrä.

Teedüst saa mano: Kadri Laube tel. 5117348 kadriglaube(ät)gmail.com

Korraldaja': Võro Selts VKKF ja MTÜ Kõrvipalu loometalu

Tugõja': AS Lõuna Pagarid, Clockwork OÜ, Eesti Kultuurkapital (Põlva ja Võru ekspertgrupid), Helemall Maask, Kaabsoo, Lõuna-Eesti Talumuna OÜ, Paadova talu, Piletilevi, Põlva Tarbijate Ühistu, Rahvakultuuri Keskus (Vana-Võromaa pärimuskultuuri programm 2018-2021), Rõuge vallavalitsus, SA Räpina Kultuurkapital, Sireli talu, Süvahavva Loodustalu, Taarapõllu talu, Tillu kohvik, Vana-Võromaa käsitüü, Võro Instituut, Võru linn, Võromaa Toidukeskus, Võru vallavalitsus.